

**Gstanzl anlässlich der SPD-Fluglärmveranstaltung in Wörthsee
30. Januar 2008**

Kurt Heine und Ludwig Gruber

Mia san net von da CSU
Und a net von da SPD
Unsa Flak des san de Gstanzl
Gegen alles wos net is o.k.

A jede Gmoa hier in da Gegend
Had heid a Leitbild, mei das schaut
Übers L.E.P. wird morgn ois anders
Des host davo, wennst da Edmo traust

Wennst beim Maifest ois Trachtler plattlst
Und beim Fischerstechen dei Gaudi hast
Wennst grad dengst, mei is des schee da
A Jet im Tiefflug drüberraast

Wie oft's fliegn wolln, woas koana
Doch oans wissma gwiss
30.000 wia ogsagt
Is zweng und a Bschiss

A Bschiss is Herr Grabherr
Jetzt luas amoi zua
Das'd so toast, ois wa goanix
selbst am Tag des Herrn waaar koa Ruah

Wenn am Sonntag d'Glockn läutn
Derf da Hubschrauber net fliagn
nur so, denkt ma bei der Edmo
Wern ma an Segn vo obn kriagn

Oba über Oberpfaffenhofen oder Unterpfaffenhofen
Oda über Seefeld kreist
A wengal hi, a wengal her
Da Lärm oiwei auf uns niederscheißt

Weil hier geht's uums Gschäft
Und uums Geld und sonst nix
Da Schallpegel is schieß wurscht
sakradie kruzefix

D'Gschaftsfliaa steign auffi
D'Immobilien untn foin
Omad werd Profit gmacht
Wer unt bleibt, muass zoin

Beim Aspirant fürn nächstn Landrat
Vo da CSU da sehn mia Roth
Weil er fühlt nur mit sein Bauch
Der kennt koa Gschaftsfliegerverbot

Dabei fühlt er, wos a jeda denkt
Wenn da Gschaftsfliaaverkehr is erreicht
Dass de Edmo ois verscherbelt
Und an an (einen) Großinvestor weiterreicht.

So lauft des Gschäft und Karl du woäßt' as
Drum bist ois Landrat nicht gefragt
Wer's schöne Seenland leichtfertig opfert
Hat schon als Kandidat versagt.

Denn ob EADS oder Fairchild
Ob EDMO Dornier
Aus Pleitn wird Geld gmacht
Hauptsach s'business is o.k.

Der Herr Grabherr von da EDMO drennt
Knallhart profimäßig, gschäftsbekannt
Mit Investoren, die hier koana kennt
Schaufelt er das Grab für's Seenland

Statt dem Vogelzwitschern hörst a Flugtaxi
Statt dem Blätterrauschen einen Jet
Wo einst Touristen brachten Geld ins Land
Bleiben die dann künftig einfach weg

In da Kaffetass hast dann des Kerosin
Und um die Ohrn die Deziböl
Wuist de Sportschau segn in aller Ruah amoi
Macht dir d'Schubumkehr des Leben zur Höll

Und unser Trinkwasser is gefährdet
Wie ein Unfall einst gezeigt

Weils in Oberpfaffenhofen pfuscht ham
Is a Brunnen verseicht bis heit

A bißl tricksen, sagt da Grabherr
Muass beim Flughafenroulette scho her
Posaunt, koa Jet derf bei uns starten
Der oa Pfund mehra wiegt wia i bin schwer

25 Tonnen is die Grenze
A Bombadier wiegt sauba mehr
Des gleiche gilt für Gulf und Fulcon
A Ausnahmegenehmigung muass da her

Und so fliagst du mit da Gulf-Air
Von Wessling non-stop nach Shanghai
100 Gschwöischädl auf oan Haufa
Alt-Landrat Frey is a dabei

Leid wenn'ts Arbeitsplätze woids müasst's schlucka
Des Projekt des mir jetzt woin
Sagn die Grabherrn Huber, Beckstein
Aber mir hier soin mas zoin

Leid lasst's eich net billig ködern
Es winkt koa groß Geschäft im Seenland
Weil da oane d'Fliega putzt
Und da ander Sushi liefern darf

Koa Arrival, koa Departure
Mit dem Ihr's Fünfseenland verdrecks
Fliegts af Schnauzn oder sonst wo hi
Ihr Privat-Luft-Schrauber-Taxi-Jets

- stopp-